

應教○日暈○癸丑 御夕講○憲府啓前事不見○江原道淮陽府雨

雹○京畿積城縣大風雨雹○慶尚道晉州大雨雹清河陝川兩雹○

甲寅 御朝講○憲府啓前事不見○夜流星出斗星入箕星尾長三

四尺許色白○乙卯憲府啓前事諫院啓曰刑曹正郎車熙胤非但人

物陋劣前任刑曹佐郎時多有貪鄙之事不可復授刑官請速遞大抵

獄訟之官所關非輕而近來多不擇人例授冗雜冤怨不貲故取啓皆不

見○丁亥傳曰自內犯染內人病死宗廟祭未得親行其命官攝行○舍

人安珰以三公意啓曰今聞有內犯染宗廟祭命官攝行凡四享及

有所告不得已之祀則將親行而停之或祭官已詣享所祭物已具則

使攝行例也今則祭官時未詣祭物時未以祭祀無名而行之近於瀆

矣且以大內犯染停之則受香亦為未安請勿攝行權停何如傳曰常

時欲行親祭而散齋時有故則不行之矣此則今已致齋權停未安故

欲攝行啓意似當權停可也○夜流星出氐星下入庫樓星尾長八九

尺許色白又出立星入天淵星尾長六七尺許色赤南方坤方有氣如

火○戊午臺諫啓前事不見○己未 聽朝啓典獄署囚良人信伊南億

係等偷取進獻三覆依允○臺諫啓前事車熙胤事依允餘不見○夜



坤方有氣如火○咸鏡道咸興甲山等官雨雹○庚申憲府啓前事不  
 允又啓曰中朝門禁始通之後允貿易等事所當從簡今若紛擾貿易  
 則中朝之人必以我國請通門禁全在於貿易不信我國而反譏侮之  
 豈不大可愧也況今遼卒叛亂不無路梗之憂雖不得已貿易之物亦  
 當全減而今聞別行次貿易甚多三行一時入歸卜馱盈路非但一路  
 有弊中朝亦以為猥濫申嚴門禁未可知也請量減聖節行次貿易而  
 別行次貿易一切停之傳曰唐物只於聖節使之行貿易之而別行則勿  
 賀可也○金羅道錦山郡雨雹○夜流星出向陳大星下入北方天際  
 狀如拳尾長二三尺許色白

五月辛酉朔憲府啓前事不允又啓曰二品非如三品之例朝廷待以宰  
 相不可人而濫陞必擇有物望他日可大用者而陞之李夢麟雖有  
 武才人物輕賤奴事權奸不容於公論以矣為堂上亦足豈可濡授二  
 品加乎請收成 命傳曰李夢麟有武才試射累居首豈可每以馬匹  
 賞之今此加資不須改正○京畿廣州驪州衿川砥平全羅道淳昌扶安  
 高敞珍原井邑咸平礪山高山泰仁慶尚道高靈忠清道洪州恩津監  
 浦燕岐沔川木川懷德稷山雨雹又稷山山谷中忽出無根之火約半